

Hs. 60, 111b

VON DEM MEYGEN.

- Mit fiß han Ich betrachtet gar 10
 Vnd sunderlich genummen war
 Des ganzen Jors ein vnderscheyt,
 5 Jeglich zyt mit sunderheit
 Noch Irem wessen ganz durchsehen.
 Jedoch heißt mich myn hercz verjehen, 15
 Hs. 60, 112 Das er sussen nitigen wanne
 Mit lust keyn zyt gelichen kund,
 10 So er mit sinen krefftten bringt,
 Das uß durer erden springt
 Grunes graß vnd luchte blut 20
 Vnd dar zü mancher hand güt,
 An welden vnd velden manifalt,
 15 Das der arge winter kalt
 Mit siner krafft her schrecket hett.
 Das stet dann alles In grüner wet
 Geleidet durch des meymen schin.
 Dar zü hort man die cleyne fegelin
 20 Im hohem geschalle mit Irm geschrey,
 Die auch der wonnenbernd mey
 Van Irm truren hat herquickt.
 Nach truwen stett als daz gesicht.
 25 Daz ye hie vor der winter zwang,
 Hat nun des meymen vmbfang
 Schon enckundden vnd hergecht.
 Darzü siecht man nach lust gesagt
 Manige liecht blumen In grünen groß.
 Gar nach wunsch geziret baß
 30 Get berg vnd tal In Richer wonne,

Hs. 60, 112^b Dann Jemans das volloben kunde.
 Ouch bringet das werden meyg zyt
 Manigem herczen, das do litt
 In sinem truren manig falt.
 5 Dem wirt gezelt In eynem walt,
 DarInne ein brunnenfart ist geleit,
 Da yeglichs dan mit sunderheyte
 Eins liebsten nympt gar eben war,
 Das In hat den gebetten dar.
 10 So wirt dann senen vnd truren herstert,
 Wann sich hercz gein hercz embort
 Vnd lieb gein lieb In lieber wise.
 Sie hant ein Irdesch paradyse
 An mangfaltigen frauden zwar,
 15 Vnd solt es weren ein ganczes Jar,
 Die zyt ducht sye nit zu lang.
 Auch werder meyge, habe yemer danck!
 Wa Ich hin siehe jn alle die welt,
 So ist mit freuden din gezelt
 20 An allen enden vff geslagen.
 Do won han Ich gedocht züsagen,
 Wie Ich eins tags vff einer fart
 Alles myn hercz herget wart,
 Da Ich durch kurzewile Reit zü schowen
 Hs. 60, 113
 25 Spaczieren In einer grunen auwen,
 Als mich myn frier wille bezwick
 Vnd myner Rede verdriessen.
 Ich wolt die porten ensliessen
 Miner wort vnd wolt uch sagen
 30 Wie mir by allen mynen tagen
 Sollich abenture wart bekant,
 Als Ich do In der auwen fant.
 Sich fugte, als Ich vor han geseit,
 Das Ich eins tages spaczieren Reit
 35 Durch kurzwil In ein walt.
 Dar In nach lust gar manigfalt
 Het der meyg geziret mit fliß

- Manig grune heide, manig bluend Riß
 Von fremden frauwen mangerley,
 Vo sussen stumen der wogel gesanck,
 Das durch den witen walt her klang.
 5 In dem wollentlichen gebrocht
 Reit Ich In frouden Richem getrecht
 Hin vnd her durch den walt zü schouwen.
 Hs. 60, 113^b Zu Jungst kam ich In onen ouwen,
 Die was zü massen wit vnd groß.
 10 Ich sach wie durch ein ouwen floß
 Ein wasser, das nit wit vmbfingk,
 Als ob es von eymen brunen gieng.
 Da Ich das sach, Ich wart gedencken,
 Ob Ich wirt myn pferd kund getrencken,
 15 Vnd Reit zu berg dem wasser nach.
 Zu hant Ich den Rechten sprung sach
 Var mir her springen vß omen Rein.
 Da by sach Ich ein hundelin klein
 Vor mir lauffen her vnd dar.
 20 Des hundes nam Ich eben war.
 Da ich niemand by Im sach,
 Zü mir selber Ich do sprach,
 Was nun der hund betut.
 By Im solt Ich finden lut
 25 Vnd wart mich wundern sere,
 Wie er da hin komen were,
 Biß das Ich kam In die genehe.
 Do beducht mich, wie Ich sehe,
 Hs. 60, 114 By dem brunen stund ein boum.
 30 Des nam ich vil eben goum.
 Ein frauwen bild dar vnder saß,
 Der lieb vil schon vmb fangen waß
 Mit bluwen cleydern gar.
 Da Ich der zarten wart gewar
 35 Vnd nyemant me by Ir,
 Zü hant wart ich gedencken mir,
 Wie Ich mit liesten zü Ir kem,

Daz sie ab mir icht schrecken neme,
 Die wil sie mich nit het gesehen.
 Den rat det mir myn hercz verjehen,
 Ich solt von mym pferd ab ston
 5 Vnd zü füß hin zü gon,
 Da Ich die frauw siczen vinde,
 Ob Ich an Ir her faren kunde,
 War vmb sie wer so einig hie.
 Gar fortsamlich ich hin zü gie
 10 Gein der werden frauwen zart,
 Biß mich daz hundelin melden wart
 Vnd sie selber mich auch hersach.
 Hs. 60, 114^b Vil tugentlich sie zu mir sprach,
 Mint semffter stymme gar zuhtedlich
 15 Det sie fruntlich grussen mich.
 Ich neiget mich nyder In das graß
 Vnd dangt Ir, als sie wol wirdig waz.
 Ich sprach: frauw sellig vnd zart,
 Durch uwer wirdig wunlich art
 20 Lont uch fragen nit wesen leit!
 Was betutet uwer einikeyt
 Alhie In diser auwen,
 Daz Ir sind sunder man vnd frouwen
 So einig In dem gewilde?
 25 Do antwurt Im das wiplich bilde:
 Gesell, din fragen sie on zorn.
 Du macht wol dar zu sin her gebern,
 Daz dir sol abenture geschehen.
 Sit ich der warheit sol verjehen,
 30 So wundert mich des glichen an dich,
 Wie du habest funden mich
 Oder wie du siest komen her.
 Wiltu mir sagen die Rechte mer,
 Des glichen wil Ich dir wider.
 Hs. 60, 115 Sye hieß mich zü Ir siczen nyder
 Vnder den büm, do sie do saß,
 Der do so wonnenlichen waz

- Gezieret mit liechter blüt.
 Ir wirde vnd wiplich gutt
 Dar vnder was bedecket,
 Min freud wart do her wecket
 5 Vnd zerstert myn vngemach.
 Was mir Je zu leyd geschach,
 Gar luzel das myn hercz bedocht,
 Dan aller wunsch was wolbracht
 An Irem lieb nach mannes lust.
 10 Ougen, har, mind, hende vnd Brust,
 Zucht, geberde vnd auch gestalt
 Stet zü lauben dusent valt
 An Ime, das müß myn müt verJehen,
 Dan myn augen habent nie gesehen
 15 Kein schoner bilde In wibes zirde.
 Sie sprach: gesel, nün sage mir,
 Wie du her komen bist.
 Ich sprach: frauw, on argen list
 Reit Ich durch kürezwil willen,
 Hs. 60, 115^b Mins selbs vnmütt domit zü stillen,
 Spaczieren In dissen walt.
 Mit senen gedenccken mangfalt
 Was mir vmb geben,
 Also das ich des wegcs nit eben
 25 Achtet, bicz das Ich myßreit
 Vnd kam In dis auwe breit
 Vnd wonde, daz nyeman darIn wer,
 Biß das Ich on al geferd
 Sach vor mir laussen her vnd dar
 30 Wer hundelin, frauwe, des nam Ich war,
 Vnd hat dar ab ein wunder,
 Ob der hund besunder
 Vnd einyg jn der owen wer,
 Byß das ich nach her zü her
 35 Kam vnd uch, frauwe, selber sach.
 Vil züchtelich Sye zü mir sprach:
 Gesel, du solt glauben mir,

Es ist von gott geschaffen dir
 Vnd diß abentur beschert.
 Ob nün din hercz begert
 Zu wissen vo myner eynykeyt,
 5 Des gib Ich dir ein vnderscheit
 Hs. 60, 116 Vnd wil dir sagen sicherlich
 Die worhey, das glaub ann mich!
 Ich sprach: frauw, edele frucht der selten korn,
 Mocht Ich an uch gehan,
 10 So wüste Ich gern ein teil,
 Ob uch von yeman kein vnheil
 Oder vngemach wer wider faren.
 Frauw, das Ich dan kund bewarn
 Oder mit uch gewenden mocht,
 15 Dar zu myn lib oder gütt gedocht,
 Des solt Ich sicher gewilig sin.
 Sy sprach: trut lieber geselle myn,
 Din gütter wil ist mir bekant.
 Wiß, wer es mir also gewant,
 20 Ich wer din trost von herzen fro.
 Dach lit es mir nit also,
 Wann mich kein vnmüt nit hertringet.
 Min hercz begirlich dar nach Ringet
 Vnd hat da von hergezung vil.
 25 Gesel, als ich dir sagen wil,
 Min truw jn ganczer stetikeyt
 Zu splegen willig ist bereit
 Der sussen frucht diß boumes gütt,
 Hs. 60, 116^b Wann mynem hreczen dar vff bluot
 30 Lust vnd freud manig falt.
 Kein Rieffe oder sne wart nie so kalt,
 Er bluowet mir jn dem herzen myn,
 Als In des lichten mygen schin,
 Vnd hat sust alle freud vnd schinpf
 35 In mynem herzen keinen glimpff
 Gein der freuden, die Ich trag
 Von siner blüt nacht vnd tag.

Ich batt die zarte mynenlich,
 Das sie det so dugentlich
 Vnd mich beschiede die mere,
 Wie es dar zü kimen wer,
 5 Das so gar jr freud vnd gemüt
 Lage einig an des boumes bluot,
 Wie dar vmb das ersye
 Nach lust gezirt vnd wandels fry
 Frur ander boume, das ist war.
 10 Doch wondert mych so gar,
 Vwer truwe vnd stettikeyt
 Hand an disen boumb geleit
 Vnd uwer hercz also verpflicht,
 Hs. 60, 117 Das jr keiner ander freuden nicht
 15 Achtent oder nement war.
 Wie mag daz komen dar?
 Einig von des baumes sachen?
 Wil tugentlich begund sie lachen.
 20 Sye sprach: gesel, der Red was zyt.
 Die wil mir ein Baumb sollich freud git,
 So mastu wol gedencken han,
 Das Ich mich freude nit kunde verston,
 So mich eins sollichen cleynen benuget.
 Ich sprach: dar nach es sich hat gefuget,
 25 Es hat villicht ein vnderscheit,
 Do von Ir mir nit hant geseit
 Oder jch sust nit verstanden han.
 Sie sprach: gesel, es ist nit on,
 Als Ich dir dann wil sagen.
 30 Sich fügt eins mals vor langen tagen
 Gelich der zyt, als nün stat,
 Ein Bronen fart her wart gemacht
 Vnd mancherley kurzvil volbracht
 Von Rittern, knechten vnd schonen frauen,
 35 Die sich gesamelt in disser auwen
 Zu mal einer hubscher schar.
 Ich wart auch gebetten dar

- Hs. 60, 117^b Mytt andern frauwen, der was vil.
 Es waz do aller kurzwil spyl
 Mit singen vnd mit sagen.
 Manig schon zelt wart vff geslagen.
 5 Danczen, Ringen, springen, sagen,
 Aller kurzwil was do genüg.
 Jegliches fand jm sinen gefüg,
 Do von sin hercz jm freud enpfing.
 10 Wo Ich In der auwen gieng,
 So sach Ich vnuerdrossen
 Je zwey vnd zwey verslossen
 Mit armen schon vmfangen.
 Groß somen vnd belangen
 Mit freuden do zerstort wart
 15 An maniger Reinen frauwen zart
 Vnd auch an manigem gesellen güt,
 Dem hercz, sin vnd müt
 Lange zyt lag verborgen
 In semlicher grossen sorgen
 20 Durch myden siner liebsten frauwen;
 Die fant er dann In disser auwen,
 Hs. 60, 118 Nach dem sin hrecz het lang gequelet
 Vnd dicke gerechet vnd gezelt
 25 Biß vff den tag der Brunen fart,
 Daz Im die Reine zu sehen wart
 Nach willen sins herczen begir.
 Gesel, solt Ich folgen dir,
 Was kurzwil do wart vol bracht,
 30 So besorg Ich, das es werd zu nacht,
 Dann es was so mancher ley.
 Manig liplich par je zwey vnd zwey
 Fügten sich zü samen.
 Wibe vnd manes namen
 35 Sach Ich mit armen schon
 Verslossen In der auwen gon
 Vnd lieplich vmbfangen.
 Ich kam alleyn gegangen

Her gein dem brunen, sach Ich das.
 Ein Jung gesel dort vor saß
 Vnder dissem Brunen alleyn.
 Der was zü den zytten kleym
 5 Vnd vor Jugen vnfruchtbar;
 Doch mit grunen loubern was er
 Hs. 60, 118^b Nach wunsch gezieret nach slehten stam.
 Do ich nach hin zu kam,
 Der Jung gesel gar zuchtlich
 10 Stund gein mir vff vnd neyget sich.
 Ich gieng hinzu, do Ich das sach,
 Ich grüste In tugentlich vnd sprach
 Zu Im: gesel, was lit dir an?
 Dins vnmütes Ich dir vergan
 15 By grosser freud, die man do hat,
 Manig Jung gesel by Reynen wiben.
 Die kurzwil soltestu helffen triben
 Vnd vnmütes enslagen dich.
 Er sprach zu mir: frauwe, sicherlich
 20 Mins gemüttes byn Ich nit vnfro,
 Es hab sich sust gefuget also,
 Daz Ich mit dencken waz vmb fangen
 Vnd zü dem brunnen kam gegangen.
 Amen.
 25 Den daz erbarm, der drost dich.

2. ? da sach ich, daz Ein.

3. ? boume aleine.

4. ? cleine.

5. ? jugende.

6. ? zwar.

15. ? die nu da hat Manig.

25. ? sich.